

Plaid de cumin

Autor(en): **Vieli, Otto Antoni**

Objektyp: **Article**

Zeitschrift: **Annalas da la Societad Retorumantscha**

Band (Jahr): **17 (1903)**

PDF erstellt am: **06.08.2024**

Persistenter Link: <https://doi.org/10.5169/seals-184125>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Plaid de cumin

da

Dr. Otto Antoni Vieli 1813.



*Illustrissims e bein sabis Signurs dil ludeivel oberkeit,
Stimatissims ed ault honorai Vischins de quest entir e
ludeivel Cumin!*

Igl ei vess de decider, qual ch'ei pli gron, la mia gigliardia de prender si quest miu uffeci, ne la vossa buntat de conferir a mi quel.

Igl ei sigir, ch'en mes giuvens ons e senza la duida experienscha igl ei ina veramein gronda gigliardia de prender si la Misterlia, igl emprim e pli impurtont uffeci dil Cumin. Mo jou vai speranza, ca duas reflexiuns vegnan a giustificicar questa mia cnrascha. Ina ei, ch'jou schon da gitg en neu vai in gron e vif desideri de mi sacrificar e dedicar per il survetsch de quest entir e respectabel Cumin, e per consequentamein vai jou bucca vuliu muncontar de ritscheiver la buntadeivla e generusa electiun sin mei curdada, per cautras ton pli gleiti puder dedicar ils mes survetschs a quest entir e ludeivel Cumin. L'otra reflexiun ei, che consideront in gron diember de bein sabis ed experimentai signurs commembers dil ludeivel oberkeit jou mi confidel compleinamein sin il lur buntadeivel agit, sin lur ferma assistienscha e sin ils lur sabis cusseigls, tras ils quals jou vai speranza de puder

sodisfar al miu grad uss engierau serament ed alla vossa bein giesta expectatiun.

Jou sco mistral sun il President dil ludeivel oberkeit, ed en tuttas causas d'impurtonza vegn jou bucca muncontar de mi cussigliar cun el e mi regular suenter ils ses sabis cusseigls.

Tut l'Europa ei presentamein scumbigliada en ina greva e prigulusa uiarra, e mo nus Svizzers vein la ventira tras la divina providonza e tras il bein regier dils suprims Magistrats de puder guder la compleina pasch en nossa schi preziosa libertat.

Per nus far meriteivels de guder vinavon quei inestimabel e niebel scazi eis ei necessari de mantener il ruaus public, de puntualmein observar nos tschentaments e tractats, de adina administrar ina exacta giustia e de complanir mintgin fideivlamein las sias obligatiuns.

Ils vischins ein obligai de respectar igl oberkeit, quest ei obligaus d'exequir las ordinaziuns della Regenza, e questa ils provediments dil tagsazung e dil Mistral Grond, e tras quest ventireivel confederau ligiom ven la Republica Svizzera e nus cun ella vinavon conservada e sche Diaus vul, si dreitg mantenida tocca en ils pli stgirs tems della posteritat.

En in tems aschi critic, en il qual nus vivin, eis ei absolutamein de basegns, ch' il pievel resti en harmonia e cumpleina confidanza cun igl oberkeit, igl oberkeit cun la Regenza e la Regenza cun las autoritats centralas de tutts ils Cantuns, ed en tala uisa pudein nus haver speronza cun il agit de Diu de guder vinavon e conservar adina la nossa sointgia libertat.

Sin tal aschi legreivel prospect mi resta ei nuot auter che l'obligatiun de metter giu ils mes humilissims engraziaments aigl entir e ludeivel cumin per la sia aulta favur e beinvuglientscha oz a mi encunter mes merits demussada, ed empermettel encontercomi solemnamein de far tutt il miu pusseivel per sodisfar ail miu duer ed offereschel a mintgin e scadin ils mes sincers survetschs.

Ils mes muncaments, che per ignoranza pudessen schabigiar, rogel jau de bucca metter or en mal, sonder de survèr quels cun la solita vossa buntat e compatiment; e finalmein mi recomandel jou instantamein en l'ulteriura continuatiun dell' aulta e preziosa protectiun digl entir e ludeivel Cumin, ail qual jou vai l'honor de far la mia humilissima reverenza.



Notizias biograficas.

*

Ils Plaids de cumin de Dr. Gieri Antoni Vieli a Cumbel, publicai ellas Annalas XV pag. 113—134, ein vignis tenis de quei „eloquent oratur“ sco comtemporaus el nomnan, cun chischun della tschentada dil Cumin de Lungneza sco mistral ne Landammann de quel, tier qual uffezi la confidanza ed attaschadadat de ses convischins han clomau el repetidamein per ina seria ded anns, numnadamein 1848, 1850, 1851, 1852 e 1853. El ei nischius 1810 e mort 1857 e pli baul staus miedi militar egl survetsch de Roma.

Il Plaid de cumin stampaus cheu avon deriva era d'in Dr. med. cun num Otto Antoni Vieli, nischius 1789 e mort 1820, madamein Landammann ed en ses giuvens onns miedi militar en survetsch della Fronscha, che ha en sia qualitat sco tal miedi priu part vid l'Expeditiun dils Grischuns encunter Clavenna 1814 per occupar e reacquistar la Valtrina etc. e dil qual Colonel Ingen. Lanicca fa menziun en sias relativas notizas historicas (Der Clevner Feldzug).

Il davos, Dr. Otto Anton, ei in feagl ed igl enprem, Dr. Gieri Anton, in beadi dil Landrichter vegl Dr. Georg Ant. Vieli, digl enconiscent poet e sribent romontsch a Razén. Vide Annalas I pag. 61 e sqq.



